



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Decreta Provinciae Mediolanensis Svb B. Carolo Borromeo, Cardinale  
Archiepiscopo, Diuersis temporibus in sex Concilijs, totidemq[ue]  
voluminibus edita

**Speciano, Cesare**

**Brixiae, 1603**

Tit. XIII. De Iudaeis.

**urn:nbn:de:hbz:466:1-10553**

Nec verò loco eorum fructuum, qui eo nomine vt supra, attribuebantur, ne consensu quidem Capituli ab Episcopo statui liceat, vt deinceps, qui illiusmodi dignitates, canonicatus, beneficiave, qualia sint, consequentur, aliquid, ut minimum soluant, conferantve in usum sacristiæ, aut fabricæ, aut alterius eiusmodi operis. Quod si post Tridentini Concilij editionem id in aliqua Ecclesia huius diœcesis, vel ciuitatis statutum, decretumve ullo modo sit, ne tamen quicquam eo nomine accipi, exigi, aut persolui ullo pacto ratione liceat, quacunque consuetudine, decreto, statuto non obstante, nisi summi Pontificis auctoritate munitum, corroboratumve sit.

Quamobrem nec Episcopus, neque Capitulum, collegium, alijsve Ecclesiastici ordinis homines, quorum interest, istiusmodi fructus, distributionesve ne vllam quidem eorum partem retineant, neve illorum cessionem petant, exigantve, ne aliud quicquam, ne eo quidem nomine quod prædita meliora reddita sint. Neque etiam ab ijs, qui illa beneficia etiam à sede Apostolica obtinuerint iniurandum exigant, ut tale quicquam obseruent; neve illis ipsis, qui non paruerint, moram impedimentumve afferant, quominus illorum possessionem assequantur. Meminerint porro omnes, quicunque contrafecerint, ex illa Pij Quinti sanctione, si Episcopus est, suspensionis, si Capitulum interdicti, si alius quispiam, excommunicationis pœnam statim subire: cuius vinculo tam diu irretitus est, quoad restitutione primùm facta, beneficium relaxationis, absolutionisve à sede Apostolica obtinuerint.

## CAP. XIII.

**V**BI verò sex ante Tridentini Concilij editionem mensibus, fabricæ, aut sacristiæ, alteriusve p̄i loci usibus, distributiones eiusmodi, & fructus concessi reperiuntur, eorum pars tantum dimidia eidem, uel sacristiæ, uel fabricæ, uel pio loco attribuatur: reliquam autem partem omnem ad illius pontificiæ sanctionis præscriptum ij capiant, quorum beneficia sunt.

## DE IVDÆIS. Tit. XIII.

Quæ de Iudæis disposita, erunt seruanda.

## Cap. I.

**I**n hac ciuitate, & diœcesi Iudæi non sunt, si tamen aliquo tempore permissu principis domicilium habuerint Episcopus curet, ut de ijs tradita in nostris Concilijs prouincialibus, præsertim Quinto in primo titulo omnino seruentur; Nam Illustrissimus Dominus meus, vt solet in omnibus etiam de Iudæis, piè, & luculenter tractauit.

Quæ

Quæ circa neophytis curanda, quæve ab eis præstanda, & cauenda  
erunt. Cap. II.

**D**E Iudæis, nuper baptizatis, in Concilio prouinciali primo, aliqua con-  
stitutæ fuerunt, quibus hæc de illis ipsis, & de alijs etiam Neophytis

adiungenda decernimus. Episcopus igitur cum fieri possit, ut Deo volente, eorum multi è tenebris  
ad fidei lumen accedant, illud aliqua ratione curet, ut certa domus, locus ve-  
pius, si commodè potest, eo potissimum nomine, constituatur, ubi illi nuper  
baptizati neophytive alantur, ad vitæq; Christianæ usum instituantur. At  
verò si id fieri nullo modo potest; eos, si quos in vrbe, diocesi ve habuerit,  
certæ alterius loci pijs congregationi in curam tradat, aut aliquem certum  
sacerdotem spectatâ probitate virum, spiritualisq; vitæ studiosum deligat,  
qui illorum vitam instituat, ac moderetur.

Quo in genere, eius, qui ab ipso Episcopo delectus, eorum curæ quouis mo-  
do præerit, studio hæc ratio quemadmodum infra ineatur.

Et non solum diebus festis, ut iam cautum est, sed in ferijs etiam singu-  
lis, & Missæ sacrificio intersint; Et conciones præterea, sacras lectiones, sup-  
plicationes, officiaq; diuina, & speras præsertim festis diebus obeant; chari-  
tatisq; Christianæ opera præstent, agrorum publicas hospitalis domos præ-  
cipue visitando.

Ut singulis diebus bis mane, & uesperis, certa breui temporis spatio san-  
ctè orent.

Ut cum signum salutationis Angelicæ ter datur, genua flectant, & at-  
tente precentur.

Ut stationes, Ecclesiasq; indulgentiarum frequentent.

Ut octauo quoque die peccata confiteantur, & decimo quinto quoque die  
rursus confessi, sacram Communionem sumant.

Ut quo die sumunt, in sancta Oratione, sanctisq; exercitationibus, & cha-  
ritatis operibus illum totum consumant.

Ut feria sexta, & Sabbato, qui per ætatem, & ualitudinè possunt ieiunent.

Ut sacra anni tempora, ut potè Aduentus Quadragesima, & alia festa  
anniuersariæ celebritates, cum appropinquant, ad eorum, earumve mysteria  
instituantur, quo sanctioris vitæ disciplina, & operibus Christiana pietate  
dignis, sacrorum eorum temporum dierumve cursum religiosius consiciant.

Abstineant à lautioris, & delicatioris uitæ usu, longèq; diligentius ab im-  
proborum hominum consuetudine.

Aliquam quoque cautionem adhibere curet Episcopus, ut hi homines,  
cum matrimonium ineunt, non inter se contrahant, sed cum ijs, qui à Christi-  
anis antiquam, perpetuamq; originem ducunt.

Ne inter se item multam consuetudinem habeant, ut Pauli III. Pontif.  
sanctione cauetur.

Ne ulla in re mosaycæ legis ritus retineant, aut sectentur.

Constit.  
ed. sub  
die 21.  
Martij  
1542. in  
ter eius  
constit.  
in Bull.  
num. 29.  
fol. 415.